

乾

象

通

鑑

乾象通鑑卷第十五

河間府免解進士 臣 李季奉

聖旨編

五緯鎮星論

鎮星總序

鎮星四時占

鎮星行

鎮星退行

鎮星光色

鎮星休玉色

鎮星歲星相犯

鎮星熒惑相犯

鎮星太白相犯

鎮星辰星相犯

鎮星雜干相犯

鎮星祿星相犯

流星犯鎮星

客星犯鎮星

鎮星總序

傳曰鎮星中央季夏土信也心也仁義禮智以信為

主貌言視聽以心為正故四星皆失鎮乃為之動

動而盈侯王不寧盈則越居舍大進過其所常縮

有軍不復縮則退舍不及其常所居之國吉得地及女子有

福不可伐去之失地若有女憂居宿久福厚易薄

失次而上二三宿曰盈有主命不成不乃水災失

次而下曰縮后戚憂其歲不復不乃天裂若地動

一曰鎮星為皇帝之德女主之象主德厚安危存

亡之機司天下女主之過又曰天子之星也天子失信則鎮大動

大象旁通曰鎮星守常不越度不盈不縮不失四時本色其國大慶所居國盜地亦曰有子孫慶

河圖遺書曰鎮星黃帝之德女主之象若失其行或盈縮或失其度及進退其舍國有女喪亦曰政在女主又曰后族竊天子權

鎮星四時占

天文星經曰人君當季夏之時祠祀宗廟社稷之靈為民祈福行令必信配天成功象地之載以成百

穀入成行木無有斬伐不可以興土功不可以合諸侯不可以興兵動衆若失令非時以季夏行春令則歲星之氣干之其星變色青無芒角則骨穀實鮮收國多風教人乃遷徙行秋令則太白之氣干之星乃變白則丘隰水滂禾稼不熟乃多女災行冬令則辰星之氣干之星變和小寒則風不時

鷹準

思尹切

早鶩四鄙入保

天文總論曰鎮星者勾陳之精也女主之象卦屬坤負黃祇之墟主福祐智信所得到之國得地為聚衆為土功所在城邑軍勝而兵強土王四季象君

之衣裳以表人主之德象地之所載不可動移而  
生苗稼可以收斂蓄積百穀以養生靈供給祭祀  
則鎮黃明光潤而大治道不越鎮星所居君聖臣  
忠民信物順則鎮星光澤大而祥風至人安國昌  
昌若鎮星未當居而居之已去而後還居之此爲  
留守其分女主有福慶其國凶可以攻既居之東  
西南北去之其邦失土若德義刑殺盡失則鎮星  
乃爲之動搖若德義不治逆四時星皆變色鎮星  
乃動

鎮星行

荆州占曰鎮星出北方所出者兵不勝出東方所出者兵勝出南方其下有兵王者亡地出西方其邦有兵

甘德曰邦有德鎮星守之

巫咸曰鎮星所守國安大人有喜益地

石申曰鎮星所宿久其國有福厚易其國德薄

巫咸曰鎮星所宿或四歲五歲其所鎮常彊國安所去者其國憂

孝經鈞命決曰天子失信則鎮星大動

雜書雜罪級曰鎮星動感天下叛

春秋元命包曰鎮星動則水決江河破

荊州占曰鎮星動女子有怒或有恐

巫咸曰鎮星盈失次有喪

論語識曰鎮星盈動國門俱闔

邠萌曰鎮星超舍西東行一歲二舍大水一曰諸侯有歸國者

春秋元命包曰德失其宮室高臺榭繁故鎮星縮火  
繞門

邠萌曰鎮星有角事務招賢聖擇廉平勸民耕農實  
倉庫修成郭開渠溝欽奉天詞修理社稷數問年



獄務安百姓如是則鎮星不盈縮變色

荆州占曰鎮星行中道則陰陽調和又曰女主行正者鎮星行正女主行邪者鎮星行邪

### 鎮星退行

天文總論曰鎮星退行一舍為水二舍為兵三舍為政者死海決河敗鎮星經天而退行天下更改地大動鎮星退行入陰內事逆入陽外事逆若人君宰相簡鬼神廢祭祀毀宗廟社稷則鎮星退行變色殃至地動無救則枉令出人饑疫若人君好政獵出入不時賜予不當則鎮星失行人多病疫歲

多大風黍稷無實若鎮星失次進則亡地退則有喪

廣古今占曰鎮星退行失度及失本色女主有憂一曰後宮有變若退行一舍而去去而復居之者有廢后若退二舍而去去而復居之者主有女喪若退三舍而去去而復居之者國祀棄又曰亡國

鎮星光色

芒者附

巫咸曰鎮星光明歲熟

海中占曰鎮星所居國安益地

荊州占曰鎮星所居國大人有憂

巫咸曰鎮星微細女主失勢

郊萌曰鎮星春色蒼歲善大熟色赤其國饑色赤而澤不出其年兵起赤而芒角有兵謀

黃帝曰鎮星赤色黃而光耀大更宮室有土功事色黃而大熟無光女主得意一曰女主宮中有忿爭黃帝曰鎮星色白有素服天下不安

荊州占曰鎮星色黑圓多疾病若水青黃其國有憂青白期不出五日其國有兵若微大起

荊州占曰鎮星春青夏赤秋白冬黑皆為女主有喜又曰鎮星在四方宿如其方色若失色而角女憂

海中占曰鎮星白芒有子孫立王

黃帝曰鎮星始出大而日益小所在國不利

荆州占曰鎮星三芒色黃女主盛若色黃而角有土

功事

郡萌曰鎮星有黑赤華期九十日兵起

荆州占曰鎮星芒邪亂失色女主心不正

巫咸曰鎮星角爭地

荆州占曰鎮星出其角為旱若失色五角則有戰軍

若七角又芒女主專政若鎮星失色生足女主退

却萌曰鎮星出彗所居國受兵喪

鎮星休王色

甘德曰鎮星在四季之時曰王其色正黃比北極中  
央大星而精明有芒角在秋曰休其色無精明在  
冬曰囚其色赤黑細小不明在春曰死其色青白  
細小不明當其王時而有相色則女主宗彊有休  
色正在公卿有囚色女主不昌有死色女主之族  
不祥其所留守之舍有德厚其進舍也其國得土  
其退舍也其國失主當其相時而有王色其公主  
弱女用事有休色有土功起有囚色女主不昌有  
死色貴人多喪所留守之舍國女主微其退舍也

及進舍也皆為土功憂事其當休時而有王色臣  
下縱橫有相色請謁行有囚色女主宗族有喪有  
死色重有女喪則留守之舍其國人流亡其進舍  
及退舍其國受殃當其囚時而有王色有赦令四  
時不和多風雨五穀不成盜賊起野多囚人有相  
色臣下有謀謀及司空有休色女主與妾訟有囚  
色國有土功事所留之舍及進舍其國嗣子憂其  
退舍也有喪當其死時而有王色下勝上枯未復  
生臣下專政有相色城洩其歲有休色五穀暴貴  
人邑散亡有囚色必有霜雹所留之舍尤甚其進

舍也地動若有蛇怪其退舍也多移徙

鎮星與歲星相犯

傳曰鎮星與歲星相合野有兵相攻為囚亂

大象旁通曰鎮星與歲星相犯其野有兵憂若鎮星在上其國女主有匿謀歲星在上其國有兵喪

陳章叔占曰鎮星襲歲星其國後宮有忿爭一曰有

妬之行

古今注曰二星相侵曰襲

河圖遺書曰鎮星與歲星會其國多土功民勞怨各

以二星所會之宿命其國

古今注曰二星光耀相連曰會

古今星釋曰鎮星與歲星相抵其國大饑民死多流

亡亦曰兩軍相當則軍破將死不利先舉者

古今注曰

二星相觸而正曰抵

亦各以二星相抵之宿命其國而占之

晉惠帝元康三年鎮星歲星會于畢昴占曰爲兵喪  
畢昴趙地也後賈后間殺太子趙王倫廢后又殺  
斬張華裴頠遂篡位廢帝爲太子皇天下從此交

亂連禍

晉惠帝光熙元年九月鎮星犯歲星占曰鎮星與歲  
星合爲內亂是時司馬越專權終以無禮破滅內  
亂之應也

晉安帝義熙七年七月丁卯歲星犯鎮星在參占曰



歲星合為內亂一日益州戰不勝亡地是時朱齡石伐蜀後竟滅之明年誅謝琨劉毅

晉簡文帝咸安二年正月己酉鎮星歲星相犯在須女占曰為內亂七月帝崩相溫擅權謀殺侍中王坦之等內亂之應

鎮星與熒惑相犯

傳曰鎮星與熒惑合為內亂

大象旁通曰鎮星與熒惑相犯其下有急兵亦曰兵起不意又曰為內亂為后宮憂

二星相去七月曰犯各以二星相犯

之宿命矣  
同而占之

陳卓叙占曰鎮星與熒惑相抵其下有兵殺主將亦

曰下謀上又曰臣弑君

二星相觸而正曰  
無以共害命其國

河圖遺書曰鎮星與熒惑相凌其國有內亂若凌之

久而不去者其國有篡弑之禍

古今注曰在  
下而上曰凌

古今星釋曰鎮星與熒惑相會守之久而不去其國

有更改亦曰有更王

古今注曰二星光輝相連曰會  
亦各以二星相會之當命其國

漢順帝漢安二年六月乙丑鎮星熒惑相犯占曰大

人忌之明年八月帝崩太子即位二歲年太后臨

朝太尉趙峻錄尚書事京師地震藥已諫作陵下

獄免次年二月帝崩謚曰冲帝

晉穆帝永和四年五月鎮星熒惑相犯在婁占曰兵  
大起有喪災在趙其年石季龍死來年冉閔殺石  
遵及諸胡十萬餘人其後諸袁北伐喪衆而薨

晉穆帝升平二年八月戊午鎮星熒惑相犯在張占  
占曰兵大起時相溫擅權謀移晉室之驗

鎮星與太白相犯

傳曰鎮星與太白相犯合宿其國亡地相近數十日  
間不去女主有憂

軍略曰鎮星在太白南一尺女主不用事鎮星在太  
白北一尺女主死若出宿遠則君不立后

武密曰鎮星太白合為內兵一曰白衣會鎮星太白  
合於大微國有大兵俱入營室天下兵謀相守為  
兵為疫太白與鎮星南為牡牝年穀熟太白在鎮  
星北歲無成

軍略曰天子失勢太白在上鎮星在下不出三月有  
兵民流

大象旁通曰鎮星與太白相凌者其國有亡地亦曰  
有陷城若凌之而不去其野有屠城其國民受禍

古今注曰在下而上曰凌  
亦各以所凌之者命其國

古今星釋曰鎮星與太白相襲者其國君不立后亦

曰後宮多妬忌為陰志為逆謀

古今注曰二星相侵曰孽亦可以共

所孽之野

今吳國

陳卓叙占曰鎮星與太白相抵因而守之久而不去其國有暴兵一曰內亂又曰兵起天子禁廷亦主

禁兵為變

古今星相注曰星二極因而守之者不難其五寸觸而正守內也亦各以其命審其因

河圖遺書曰鎮星與太白相犯者其國有兵喪亦曰後宮多忿爭若犯之在太白南則天下大旱赤地千里犯之在太白北則天下大水魚行井邑

晉惠帝光熙元年十二月癸未鎮星太白相犯占曰為內兵有大戰是後河間王為東海王越所殺明

年正月東海王越殺諸葛玖等五月汲桑破馬嵩  
殺東燕王八月荀晞火破汲桑

晉成帝咸康四年十二月癸丑鎮星太白相犯在箕  
占曰王者亡地七年慕容皝自稱燕王

晉安帝義熙九年二月壬辰鎮星太白相犯在東井  
東井秦分十三年劉裕定關中其後遂移晉祚

鎮星與辰星相犯

傳曰鎮星與辰星相凌為壅沮所世國不可舉兵必  
受其殃覆軍殺將出兵亡地入兵得地若戰客敗

黃帝通鑑卷之七  
一曰為變謀為旱傷

陳卓叙占曰鎮星與辰星相凌其國大水毀城邑溺  
人民五殺克魚腹若凌之久而不去者饑民死者

如丘山

古今注曰鎮辰相凌謂鎮在  
辰下而辰上故曰赤國多大水

大彗旁通曰鎮星與辰星相襲其國亡地亦曰破軍

殺將

古今注曰鎮與辰襲其下多失土亦曰有亡  
國襲謂二星侵也鎮星來襲辰星則兵者將

地辰星來襲鎮星入兵者  
得地亦各以其宿命其國

河圖遺書曰鎮星與辰星相犯守之不去及二十日

已上者其國大饑亦曰百姓流亡天下民失業

漢文帝後元六年十一月戊戌鎮星辰星合於危占

有死色齊分至孝景三年吳越膠東西留川濟南  
楚等舉兵漢遣大將軍周亞夫等討平之

晉孝武帝太元十九年鎮星辰星合於氐占曰為亂  
饑為內兵至隆安元年王恭等舉兵顯王國寶之  
罪朝廷殺之是後年連水旱饑

鎮星雜干犯

傳曰鎮星若變色二十八舍中色青敗則候之常以  
四季月戊己日變色即為災鎮星闔兵戰內亂鎮  
星與歲星合內亂饑覆軍殺將亡地戰必敗若合  
日其色白為喪色赤為兵色黃為旱若鎮星與所



舍宿合其亡國亡地大臣叛為兵為疾為白衣會  
若鎮星與太白合太白在鎮星南為熱太白在鎮  
星北為饑若太白鎮星俱入營室天下兵鬪其分  
亡地鎮星與辰星鬪為內亂其下國饑大戰不勝  
鎮星與祿星相犯

黃帝曰鎮星旁有小星臣謀弑主小星入鎮星中事  
立決小星去臣利鎮星住覆小星主臣謀見東方  
則東方有之其西南北方等有之皆如此占各以  
所在之國命其國

陳卓叙占曰鎮星旁有小星相抵者其國有強臣一

曰人君受制於強臣

古今注曰小星與鎮星相觸而正曰格

河圖遺書曰鎮星與小星相薄者其國有祆言官國

政一曰後宮崇淫巫以祆言陰殺無辜

古今注曰鎮星與小

星而體而相者曰薄

古今星釋曰小星破鎮星其國有內亂為急兵為下

謀上為臣弑君亦曰有篡弑之禍

古今注曰小星從鎮星中出曰

破其下有內亂篡殺之禍也

### 流星犯鎮星

春秋緯潛潭巴曰流星犯鎮星民多事若其星有大

芒色黃主德昌

陳卓叙占曰流星抵鎮星其國有喪色黃者吉餘色

俱凶

抵乃二星相觸而正曰抵

河圖遺書曰流星襲鎮星其國多女喪亦曰有喪葬事亦各以色命之黃則吉色青言女主憂色赤言後宮災色白言國有兵憂色黑言大水為土功為大役為民勞為兵為喪

古今注曰流星襲鎮星謂二星相侵曰襲以其宿命

其國占之乃吉凶在焉

### 客星犯鎮星

傳曰客心與鎮星相犯者其國大饑亦曰有土功為大役若犯之久而不去者其國有姦使入境亦曰

爲刺客

古今注曰客星犯鎮星謂客去鎮七寸已襄曰犯各以其宿同占之而命其吉凶也

陳卓叙占曰客星凌鎮星不及二十日以上其國有

內變亦曰外姦通內謀

古今注曰客星在鎮星下忽然在鎮星上曰凌若凌

之久而不去者其國有內變者此也

古今星釋曰客星襲鎮星者其國有姦謀亦曰爲女

志爲匿謀又曰爲臣下懷貳

乾象通鑑卷第十五

乾象通鑑卷第十六

河間府免解進士李季奉

聖旨編

五緯太白論

太白總序

太白四時占

太白星行

太白退行

太白光色

卷前附

太白休王色

太白歲星相犯

太白熒惑相犯

太白鎮星相犯

太白辰星相犯

太白晝見

太白入月

太白當見不見

他星犯太白

祿星犯太白

流星犯太白

客星犯太白

太白總序

傳曰太白西方秋金義也言也義虧言失逆秋令傷  
金氣罰見太白太白進退以候兵高卑遲速靜躁  
見伏用兵皆象之吉其出西方失行夷狄敗出東  
方失行中國敗未盡期日過參天病其對國若經  
天天下革民更王是謂亂紀人衆流亡晝見與日  
爭明強國弱小國強女主昌又曰太白大臣其號

上公也大司馬位謹候此

古今星釋曰太白司天下兵革征伐之事亦主大臣  
上公之職太白循軌度不失四時常色無芒角而  
常明潤光澤主中外不事征伐兵寢刑措大臣不  
失職之象也太白動搖南征北伐各以所宿命其  
國而吉凶在焉

太白四時占

經曰人君秋時當順少陰以行德令乃命將帥選士  
勵兵簡練傑俊專任有功以征不義誅誅暴慢以  
明好惡順彼遠方修法制緩圖圍具桎梏斷薄刑



決小罪若失令非時以秋行冬令則辰星之氣干  
之其星黑而大有芒角陰氣大勝介蟲敗國戎兵  
乃來風災數起收雷先起國多盜賊邊境不寧行  
春令則歲星之氣干之其星色青而昧陽氣復還  
五穀無實秋雨不降草木生榮暖風來至人氣懈  
墮行夏令則熒惑之氣干之其星赤而怒國多火  
災寒熱不節人多瘡疾蟄蟲不藏五穀復生冬藏

殃敗人多執

巨推切 彙計部切  
彙基也 彙氣也

天文總論曰太白者白虎之精其性義主兵將軍之  
象主刑戮殺罰卦屬乾兌太白為將為威勢為斷

割爲殺害故用兵先占太白若太白體大而色白  
光明而潤澤所在之國兵彊國昌若太白體小而  
昧乃敗軍而亡國若太白行以得其時色而大光  
潤無錯逆其下亦兵彊可以攻守他人

### 太白星行

天文錄白天官書曰太白出於卯南南方勝北方出  
卯北方勝南方正在卯東國利出酉北北方勝  
南方出酉南南方勝北方正在酉西國利

荆州占曰太白出西方常出申酉之間失行而北是  
謂反生不有破軍必有屠城在北方出若謂辰星

不出太白獨出東方有德令獨出西方正在酉西方起兵不戰獨出戌胡兵起不戰若太白出入西方其國宋勝韓韓勝趙趙勝魏若太白出西方在酉南則爲楚在酉北爲秦齊燕

巫咸曰太白出西方始小而圓貴敢戰者吉不戰者凶若西方北方以舉兵天下不能當黃昏而出陰國之兵彊若太白出東方南方以舉兵天下不能當平明而出東方陽國之兵彊鷄鳴而出小弱夜半而出中弱

荊州占曰太白出東南維在日月之陽陽國之將傷在

其陰利若太白出西南維在日月之陽陽國凶在  
其陰吉若太白出西北維在日月之陰陰國之將  
傷在其陽利若出東南維匈奴有兵相攻若太白  
以其時出陽四十日不動先起兵者不利又曰在  
陽陽國利其以陽時出於陰重利

石申曰太白出東方為德舉事在遯之吉出西方為  
刑舉事在背之吉反此者凶太白出則兵出入則  
兵入戰則有勝用兵象太白吉反之凶太白所在  
直之辰者國為得位戰勝太白當期而出國昌若  
太白當出不出當入不入是謂失舍不有破軍必

有亡國

巫咸曰太白可出不出國且有謀可入不入國置兵當入不入過二十日天下有兵事

石申曰太白當出不出未當入而入天下偃兵在外而入若太白未當出而出當入而不入天下兵起有破國

文曜鈞曰太白上復下下復上將反天下騷擾若已入三日復出師愛將虜主大遇

荊州占曰太白已出高二三丈乍入乍見如此三四日不過五六日必有大戰若太白不滿其日數而

入入而獲出一日者十日而兵死入五日者五十  
日而兵死入十日者百日而兵死當以日入占其國  
石申曰日方南太白居其南日方北太白居其北曰  
羸侯王不享用兵進吉退凶日方南太白居其北  
日方北太白居其南曰縮王侯有憂用兵退吉進

凶

日南方謂夏至使也日北方謂冬至使也元命包曰羸則將相謀編則后後患

巫咸曰太白不上不下在桑榆間其下國病若太白  
出上一百六十不能參天主尊令不行民亂盜賊  
倍徭賦若太白未羸一百六十日而上過參天主  
尊令行民理無盜賊少徭賦

晉灼曰參天者謂三分天過其一也

石申曰太白出高用兵深吉淺凶太白出低用兵淺  
吉深凶

荆州占曰太白遠日爲兵深其將強太白近日爲兵  
淺其將弱

巫咸曰太白失行西南是謂金入火有兵兵罷期三  
年國有男喪

石申曰太白居實有德也居虛無德也色勝位行勝  
色有位勝無位有德勝無德行德盡勝之太白出  
於辰之南鄭得位行不失色黃而赤大有角勝行  
失其養小敗出於辰那間家得位行不失色黃而

赤大有角勝行失而黑小敗出於寅卯間衛得位  
行不失色黃大而有角星行失而蒼小敗出於寅  
北趙得位行不失色黃華而有角勝行決而黑小  
敗出於未間吳越得位行不失色蒼赤而有角勝  
行失而黃小敗出於申之南楚得位行不失色赤  
大而角勝行失而黑小敗出於酉間漢得位行不  
失色赤大而有角勝行失而赤小敗出於戌間齊  
得位行不失色赤大而有角勝行失而赤小敗出  
於戌北燕得位行不失色黑大而角勝行失而黃

小敗



太白退行

天文總論曰政緩則太白不出逆則占若太白出西  
逆行至四正西方之國吉出東方逆行至四正東

方之國吉

行四正謂會四仲也

若主好攻戰勞百姓飾城郭

侵邊境是謂不義厥極憂太白變色而逆行若簡  
宗廟廢禱祝去祭祀逆天時則太白逆行變色不  
可以戰太凶若秋三月太白出西方色當白不白  
而逆必有金石之祲音且見隕子星墜為石石  
之所下寇至其野若太白行小失道其將為小姦  
行失大道其將為大姦其國將坐之逆行尤甚若

太白出逆行正東正西國吉太白出東逆行正西  
東國吉

太白光色

星角附

巫咸曰太白光明見影戰勝歲豐

海中占曰戰當太白光者將軍益爵祿主壽命

荆州占曰太白其狀炎然而上則有大兵起太白其  
狀炎然而下則有天狗所下其野流血太白出無  
將國易其政

郑珣曰太白光如張蓋所下之國有改立主

巫咸曰太白出大兵華薄之主旌旗相望

石申曰太白圓大怒而赤天下有兵勝而不戰太白大而圓黃而澤可以爲好事

巫咸曰太白出小有滅其將不能守有兵不能勝太白微小明不天下盜賊多不覺者所居之國尤甚  
刑州占曰太白始出大而生光後小不明戰兵初勝後亡始出色黃白其國吉黑芒澤有子孫喜立王  
色蒼白期不出六十日有喪色蒼而青天下厭兵  
色蒼黑期六十日有水色赤白而潤有喜色黃黑  
軍在外者罷

甘德曰太白赤則武也數戰色白則文也不可戰行

疾者武不行者文

海中占曰太白色赤得合白有喜蒼白爲憂黑爲死  
荆州占曰太白色始生未可擊色盛未可擊色衰乃  
可擊色死急擊勿致疑弗急擊客將爲主人

災異曰尚書微則太白垂芒

荆州占曰太白見一芒兵起不用見二芒有戰攻見  
三芒天下兵起見四芒諸侯死境見五芒天下更制  
荆州占曰太白大而角搖而不安東西南北乍下如  
欲驚者其年有喪若色白而無角將不勝若太白  
過宿有角長取地長角短取地短若太白過宿有

角外指其國得地內指其國失地期一年

海中占曰太白四角有赦五角有立將六角有取國  
地七角有立王

白休王色

天文總論曰甘德曰太白在秋曰王其色比狼星精  
明而有光仲秋之時有芒角在四季曰相其色精  
明無芒角在冬曰休其色無精明而無光在春曰  
囚其色青黃而不明在夏曰死其色細小而不明  
當其王時而有相色主弱將強權勢縱橫天下有  
兵有休色臣下有謀者專行軍事有囚色所在官

者囚有死色大將死不葬所留之舍其國兵起其  
進舍也其下之國兵歸之其退舍也兵弱不用當  
其相時而有王色主弱將強有休色將不用兵有  
囚色將謀不成有死色將誅傷所留之舍其國有  
兵其進舍也是謂趣兵其退舍也兵出不行當其  
休時而有王色野多賊兵有相色兵起民亂有囚  
色囚人縱橫有死色軍死於野所守之舍有逐將  
其進舍也武吏縱橫其退舍也文吏暴雷當其囚  
時而有王色其下將有叛者有相色下犯其上有  
休色野多暴兵盜賊並起有死色有祿言不祥所

留之舍不可舉事而用兵其進舍也歲多霜雹當

其死時而有王色流水湯湯音傷水有相色野火

煌煌有休色金 不行有凶色國多虎狼其留也

野獸食人其進舍也白刃鏘鏘其退舍也兵不成行

太白與歲星相犯

傳曰太白歲星俱出東方若併出入西方王者亡地

太白與歲星合光怒必戰太白與歲星同光殺大將

荆州占曰歲星隨太白出於西方若光遠者天下無

兵太白環繞歲星有亡王者圓繞周回一匝為環不周為繞

太白歲星相合光芒相接大亂軍則戰一曰為白衣

會爲水爲饑爲疾爲亂爲喪

武密曰太白出歲星北客勝歲星出太白北主人勝

太白在北方歲星在南方歲困有亡國天子失離

若太白在南歲星在北名曰牝牡相承五穀熟太

白環繞歲星者其下破軍殺將亡國太白在北歲

星在南北牡相失歲飢不熟太白歲星一東一西

害侯王一南一北兵乃伏太白從歲星主人急歲

星從太白客急太白犯歲星王者有賊太白守歲

星皇后憂太白觸歲星女主病太白入歲星君敗

死太白犯歲星爲饑

古今注曰太白之出沒伏見  
歲端遲速固自有數吉凶隨



所在高為星傳以上下為前後以南北為北柱以環繞為周不周因其太白去歲星七寸曰守太白與歲星正相抵曰觸以其味當來而來者謂之入其抵觸化入之名既不同然所占之事不得不一也

魏明帝太和四年十一月壬戌太白犯歲星占曰太白犯歲星有大兵五年三月諸葛亮以大衆寇天水時宣王為大將拒退之

晉元帝大興三年六月丙辰太白與歲星合于房占曰為兵饑至永昌元年王敦攻京都六軍敗績王敦尋死

晉成帝咸康三年十一月乙丑太白犯歲星于營室占曰為兵饑四年石季龍破幽州遷萬家以南五

年季龍衆五萬寇馮南略七千餘家而去又騎二萬圍陷邠城殺略五千餘人

晉海西公大和元年八月戊午太白犯歲星在太微中占曰王者惡之六年海西公廢

晉孝武帝太元十年十二月己丑太白犯歲星占曰爲兵饑是時河朔未平兵連在外冬大饑太元十九年十二月癸丑太白犯歲星在斗占曰爲亂饑爲內兵斗吳越分至隆安元年王恭等舉兵顯王國寶之罪朝廷殺之是後連歲水旱饑

晉安帝元興元年八月庚子太白犯歲星在上將東

南占曰楚兵饑一曰災在上將二年桓玄篡位三年劉裕盡誅桓氏

晉康帝建元元年八月丁未太白犯歲星在軫占曰有大兵是年石季龍將劉寧寇沒狄道

太白與熒惑相犯

傳曰太白犯熒惑客敗主人勝太白在熒惑南南國敗太白在熒惑北北國敗東西如占太白犯熒惑主病太白觸熒惑內有賊臣太白守熒惑太子憂大象帝通曰太白變色失行貫熒惑其國亡地丁曰

為將死為屠城為失地

古今注曰太白自西入熒惑者五寸許後東西曰貫

星傳曰以爲太白貫焚惑不有獲軍必有亡將亦屠滅亡地之義也

陳卓叙占曰太白逆行失度又失本色會焚惑其國

有更王亦曰爲革命爲自立侯王

古今注曰太白與焚惑光曜相

連曰會星傳以爲太白會焚惑其下有改王者此也

漢順帝永和三年二月戊子太白在焚惑西南光芒

相接占曰有兵喪是時大將軍梁商父子秉勢終

至誅戮

漢質帝本初元年五月庚戌太白焚惑相犯占曰爲

逆謀至閏六月帝有怨言爲梁冀醜崩

魏明帝青龍二年二月己未太白犯焚惑占曰大兵

起有大戰是年四月諸葛亮據渭南吳亦起兵應之魏東西奔走

晉武帝咸康七年二月太白熒惑合于太微中犯左執法明年顯宗崩八月二十日己酉太白犯熒惑于胃占曰大兵起其後庾翼大發兵謀伐石季龍專制上流

晉海西公太和三年六月甲寅太白奄熒惑在太微端門中六年海西公廢

晉孝武帝寧康二年十一月癸酉太白奄熒惑在熒室占曰金火合爲鏢爲兵喪至太元元年七月符

堅伐涼州破之虜張天錫

晉安帝義熙二年十月丁未太白熒惑皆入羽林又合于壁三年正月慕容超寇淮北徐州至下邳八月遣劉敬宣伐蜀

太白與鎮星相犯

傅曰太白犯鎮星太子不安太白觸鎮星主憂

武密曰太白在鎮星北天子失地

陳卓叙占曰太白襲鎮星其國大兵起一曰有暴兵

古今注曰太白侵鎮星曰襲星傳以爲金土相襲其下有急兵者此也

古今星釋曰太白逆行抵鎮星其國有兵喪亦曰大

將以兵叛主

古今注曰太白與鎮星正相觸曰叛故星傳以爲金土相觸其野有叛兵

也者此

晉成帝咸康四年十二月癸丑太白犯鎮星在箕占  
曰王者亡地七年慕容皝自稱燕王

晉穆帝永和十二年七月丁卯太白犯鎮星在柳占  
曰周分有大兵其年八月栢溫伐符健退因破姚  
襄於伊水定周定

晉穆帝升平三年八月庚午太白犯鎮星在太微中  
占曰王者惡之至五年五月帝崩

晉安帝元興二年十月丁丑太白犯鎮星在婁占曰

楚有兵饑至十二月栢玄篡位放遷帝后至三年  
二月劉裕起義兵栢玄逼帝東下

晉安帝義熙八年十月甲申太白犯鎮星在東井占  
曰秦有兵至十三年劉裕定關中其後遂移晉祚  
晉光熙元年十二月癸未太白犯鎮星占曰爲內兵  
有大戰是後河間王爲東海王越所殺明帝正月  
東海王越殺諸葛政等五月汲桑破馮嵩殺東燕  
王八月荀晞大破汲桑

太白與辰星相犯

傳曰太白辰星同日出東方東方有兵起太白辰星



同日出西方西方有兵太白辰星色皆黑外國利  
辰星色黑出而不與太白相從野雖有兵不戰太  
白出辰星北客勝辰星出太白北主勝太白辰星  
併東出方利以西伐古東太白辰星俱出西方利  
以東伐古西太白辰星俱出東方太白先出辰星  
後出辰星上過太白而去有臣背其主期不出一  
年太白與辰星相薄先起者凶太白犯辰星國不  
安太白觸辰星殺宰相太白守辰星國憂

晉安帝義熙三年二月癸亥熒惑鎮星太白辰星聚  
于奎婁是時慕容超僭號於齊兵連徐兗連歲寇

抄至于淮泗姚興譙縱僭號秦蜀

宋孝武帝大明七年十月星辰太白相犯占曰天下  
民饑時大旱三吳尤甚富人貫珠玉錦繡橫尸相  
枕如亂麻明年五月帝崩于玉燭殿年三十帝性  
急及崩朝臣相賀

太白晝見

劉向五紀論曰太白少陰弱不得專行故以己未爲  
界不得經天而行經天則晝見其占爲兵喪爲不  
臣爲更王疆國弱小國疆

孝經鈞命決曰天子失仁則太白經天

春秋元命包曰殺失則攻戰行故太白經天

考異郵曰大臣行毒請竭阿尊則太白經天

石申曰太白經天天下革命人民流亡

荊州占曰太白經天海內悲涼九州搖動奪兵負糧  
災異占曰人君薄恩無義弱不勝任則太白經天不  
救則四夷大動蠻夷來侵

石申曰其國失殺失政則太白失行經天

李淳風曰經天者謂太白昏旦當午位見也諸星昏

且當午皆留而退太白昏欲至未則遲旦欲至午

則疾不合在午而見南見則為經天經天則兵盛

威重改易自任不由常數之象

晉書曰太白經天天下華民更王是謂亂紀人衆流  
亡晝見與日增明強國弱小國疆女主昌

武審曰太白經天不出三年必有大喪大臣有殃各  
以其宿分占國一曰太白經天爲秦強若過午晝  
見爲經天無兵兵起有兵兵罷

漢桓帝永興二年閏月丁酉太白晝見是時上幸後  
宮采女鄧猛明年封猛元演爲南頓侯後四年梁  
皇后崩梁冀被誅猛自後立爲皇后恩寵甚盛

漢桓帝延熹六年十一月丁亥太白晝見是時竇后

家貴戚至明年大臣及皇后累有死者

魏文帝黃初四年六月甲申太白晝見是時孫權受魏壽號而稱兵拒守不臣之象

魏明帝太和六年十一月丙寅太白晝見在斗南遂歷八十餘日常見占曰吳有兵明年孫權遣張珍等將兵萬人錫受公孫文懿為燕王文懿斬珍等虜其衆

魏明帝青龍二年五月太白晝見占曰有兵秋七月帝親御龍舟來往孫權攻新城將軍張穎等拒守力戰帝君未至數百里權遁走

魏明帝青龍四年五月丁亥太白晝見積三十餘日  
以晷度推之非秦魏則楚也是時諸葛亮據渭南  
宣帝與相持孫權寇合肥又遣陸議孫昭等入淮  
馮天子親東征蜀本秦地則爲秦魏及楚兵悉起矣  
魏明帝景初元年七月辛卯太白晝見積二百八十  
餘日時公孫文懿自立爲燕王署百官廢兵拒守  
宣帝討滅之

晉惠帝永康元年三月太白晝見占曰爲不臣是日  
賈后殺太子趙王倫尋廢殺后斬司空張華

晉成帝咸康二年九月庚寅太白犯南斗因晝見占

曰斗爲宰相又爲揚州太白犯之死喪之象晝見  
爲不臣又爲兵喪其後石季龍僭稱天王發衆七  
萬之應

晉咸康四年四月己巳太白晝見在柳占曰爲兵爲  
不臣明年石季龍大寇河南於是內外戒嚴

晉穆帝永和六年八月辛卯太白晝見在南斗占曰  
大臣誅是歲司徒蔡謨免爲庶人

晉孝武太元元年八月癸酉太白晝見在氐氐兖州  
分野至四年二月襄陽陷朱序沒四月魏興陷賊  
聚廣陵三河衆五六萬於是諸軍外次衝要丹陽

尹弼衛京都六月宛州刺史謝玄討賊大破之

晉孝武太元六年九月丙子太白晝見七年十一月  
太白又晝見在斗占曰吳有兵喪八年四月甲子  
太白又晝見在參占曰魏有兵喪是月拓冲征沔  
漢陽亮伐蜀並拔城掠地八月苻堅自將號百萬  
九月攻沒壽陽十月劉牢之破堅將梁成斬之殺  
獲萬餘人謝玄等又破堅於淝水斬其弟融堅大  
衆奔潰九年六月皇太后褚氏崩八月謝元出也  
彭城經略中州矣

晉孝武太元九年七月丙戌太白晝見十一月丁巳



又見十年四月乙亥又晝見于畢昴占曰魏國有  
兵喪是時符堅大衆兵潰趙魏兵連相攻堅爲莢  
所殺

晉孝武太元十一年三月戊申太白晝見在東井占  
曰秦有兵臣彊六月甲申又晝見于輿鬼占曰秦  
有兵時魏姚萇符登連兵不息

晉孝武太元十二年六月癸卯太白晝見在柳十月  
庚午太白晝見在斗十三年正月丙戌又晝見自  
是後慕容垂翟遼姚萇符堅慕容永並阻兵爭彊  
晉孝武太元十四年四月己未太白晝見于柳六月

辛卯又晝見于翼九月寅寅又晝見于軫十五年  
翟遼掠司寇衆軍累討不尅慕容垂又跨略并冀  
等州七月旱八月諸郡大水兗州又蝗

晉孝武太元十七年七月丁丑太白晝見十月丁酉  
又晝見十八年六月又晝見十九年又晝見于柳  
六月辛酉又晝見于輿鬼九月又見于軫二十年  
七月丁亥晝見在太微二十一年二月壬申晝見  
三月晝見在羽林晝見于胃占曰中軍兵起是歲  
九月帝崩陰安元年王恭等舉兵脅朝廷於是內  
外戒嚴殺王國寶以謝之

晉安帝隆安元年四月丁丑太白晝見在東井占曰  
秦有兵喪六月姚興攻洛陽郗恢遣兵救之冬姚  
萇死于略代立

晉安帝隆安五年正月太白晝見自去年十二月在  
斗晝見至于是月乙卯案占災在吳越至十月祆  
賊大破高雅之於餘姚於是死者十七八其年孫  
恩攻侵郟縣殺內使至京口進軍蒲州於是內外  
戒嚴

晉安帝義熙元年七月庚辰太白晝見在翼軫占曰  
爲臣疆荊州有兵喪至十一月荊州刺史魏詠之薨

晉安帝義熙三年正月丙子太白晝見在奎五月癸未太白晝見在參占曰益州有兵喪臣彊是年八月劉敬宣伐蜀不克而旋

晉安帝義熙九年五月壬辰太白犯右執法晝見時劉裕擅命兵革不休十年裕討司馬休之王師不利休之等奔長安

隋開皇二十年十月己未太白晝見占曰爲臣彊爲革政爲易王右僕射楊素熒惑高祖及獻后廢嫡立庶其月乙丑廢皇太子勇爲庶人皆陽失位之象唐高祖武德九年五月博奕奏太白晝見于秦秦國

富有天下高祖以狀授太宗太宗即位召奕謂曰  
汝前奏事幾累我然而今後但須悉心盡言無以  
前事爲慮

唐高宗調露二年五月丁酉太白經天占曰有敗兵  
七月吐蕃寇河源也良非川河西鎮撫使李敬玄  
與吐蕃將贊婆戰于湟中官軍敗績

唐代宗永泰元年九月辛卯太白經天占曰有大兵  
是日吐蕃數十萬寇汾州蕃將尚結是贊磨尚悉  
東贊等寇奉天京師戒嚴奴虜寇逼京畿上親率  
六軍屯苑內

後唐明宗長興二年閏月戊子太白晝見占曰有亂  
兵至三年正月乙丑遣邠州節度使樂彥稠靈武  
節度使康福率步騎七千徃方渠討党項叛者

後唐末帝清泰元年五月己未太白晝見占曰有兵  
癸亥秦州西川孟知祥出軍迫階成州

後漢隱帝乾祐三年十一月太白晝見民有仰觀者  
爲坊卒所家僮誣告族戮于市取其幼女爲婢自  
是仕官之家畜僕隸者皆以姑息爲意而舊勳故  
將失勢之後廝養輩所脅制者徃徃有之

太白入月

傳曰太白入月人君死其下兵起

大象考通曰太白入月其下有兵喪

古今星釋曰太白入月其野有更王又曰爲革命

陳卓叙占曰太白入月其野有急兵又曰爲內亂爲

兵喪

廣古今曰占太白襲月女主有憂

魏齊王嘉平元年正月甲午太白襲月宣帝奏永寧

太后廢曹爽等

晉元帝太興三年十二月己未太白入月在斗郭璞

曰月屬坎陰符法象也太白金行而來犯之天意

若曰刑理失中自毀其法後二年十月帝崩

晉成帝咸康元年二月乙未太白入月占曰人君死  
又爲兵人主惡之明年石季龍大寇河南於是內  
外戒嚴

晉成帝咸康六年二月乙未太白入月占曰人主死  
帝疾崩

太白當見不見

傳曰太白當見不見是謂失舍不有破軍必有亡國  
大象彖通曰太白當出不出是謂失行其下軍覆將  
死一曰有走君



陳卓叙占曰太白當見而伏其野有更王亦曰爲大  
喪爲亡國爲敗軍殺將

晉武帝咸寧四年四月太白當見不見是時羊祜表  
求伐吳上軍孫皓面縛請罪吳國遂亡

晉惠帝光熙元年四月太白失行自翼入尾箕占曰  
太白失行而北是謂反生不有破軍必有屠城五  
月汲桑攻鄴魏郡太守馮嵩出戰大敗汲桑遂害  
東燕王騰殺萬餘人焚燒魏時宮室皆盡

晉懷帝永嘉二年正月庚午太白伏二月庚子始晨  
見東方是謂當見不見其後破軍殺將不可勝數

帝崩虜廷中夏淪覆

他星犯太白

邳萌曰有他星從他所來太白旁居之往來色赤爲  
使其事急太白與他星遇太白避他星兵衰他星  
避太白兵盛他星入太白中強國伐已

大象旁通曰他星破太白其國有改王亦曰爲內亂

爲兵爲喪

古今注曰他星從太白中出曰破故星  
傳曰言他星金其國將傾者此也

陳卓叙占曰他星會太白其下有屠城亦曰有急兵

古今注曰他星與太白光耀相連曰會故  
星傳言他星會金下有暴兵者此也

古今星釋曰他星抵太白其國有女喪亦曰臣下竊

主柄專恣無君

古今注曰他星與太白正相觸抵曰故星傳言他星抵金強臣無君者也

祿音星犯太白

巫咸曰太白旁有小星間數寸若尺期八十日邊城有戰一曰太白夕出西方以入月四日候之旁有小星去之一尺若二尺客軍在外者罷期六十日郝萌曰太白在西有小星近太白軍在外戰若軍居外有小赤星出太白陰相去四寸陰國伐利出其陽相去四寸陽國伐利皆為戰取將

荊州占曰太白出有小星見其陰去四寸以入者諸侯有陰謀又曰太白出有小星見其陽去之三寸

以入者諸侯有小兵又曰太白方行有小星隨而環之命曰趨兵逆之爲國亂又曰太白居東方有小星去之二三赤兵在外者罷期二十日

流星犯太白

甘德曰流星入太白中疆國以戰亡

又曰流星抵太白有喜令

古今星釋曰流星抵太白其下有改令一曰有使者布宣新令

大象旁通曰流星白色貫太白其國將遣大使將兵征伐星大者使大星星小者使小各以其所之之

野命其國

陳卓叙占曰流星色青白犯太白其國將彙祀亦曰國將亡則流星犯太白

客星犯太白

天文總論曰客星犯太白其野有急兵亦曰為刺客為內變為兵為喪

陳卓叙占曰客星犯太白其下有死將一曰有破軍有屠城又為亡地

古今星釋曰客星入太白中其野有內憂又曰為兵喪乾象通鑑卷第十六